

Bericht Eures 25. Küken.....

Refrain (2x)

„Vögel der Nacht....
Trinkid us schänkid iih....
Vögel der Nacht....
a geili Zyt isch es gsi....“

Ha's fascht nöd köna **globa...**
Ha abgmacht ka mit mina zwo Brüader-**Boba**;
Als Highlander wärid mer am Fritig a Fasnacht **ganga**,
Da pensioniert Torner-Bruch us Widnau, hät sich aber dagega **gstroba!!**

A Stund mit Rock uf em Dorfplatz da Vögel zualuaga, da teg er sich **nöd a...**
Schliesslich seg er 50i gsi und dämfall nümma ganz en **fitta Mah...**

.....

Jo nu; s'ischt wias ischt, doh hät mi scho a Vögel-Schar überrascht.....
Mit Küken-Maska flankiert; doch drunter **gschminkt gsi; has scho gstudiert**;
Nöd amol köna i Ruah go schiffa **goh**
Do hät mi da Erwald packt.. fascht **a da Hoor**;

.....

Wenigstens a Spezli noh **überkoh**
und scho is ganga.. i d'Nacht mit **Humor...**
Da Koni hät d'Schnorra nöd köna heba,
ha selber mösa Lacha
und köna d'Aspannig **kli los loh**☺

.....

Usgstellt uf em Dorfplatz dänn, hät da „Mesmers-Bob“ **Benno Vollgas geh**;
Bömm fälla uf dia falsch Sitta, Motorsägala, Kindli flüüga loh, juah...;
wa hätt dänn da Benno gretta, i **sinera Laudatio do...**

Nochana i's dänn rassig **ganga....**
a paar Wort us sim luuta **Stimmesorgan verlor**a,
und s'Küken ischt gschlüpft vor grossa Kulissa **uus...**
Fasnacht hät agfanga und hät brucht viel **Pfuus**☺

.....

Ha sehr viel mösa ghöra, trinka und **macha...**
s'ischt dank em Vogelvater Nr. 24, bis in Ribelhof ufi ganga **go tanza und lacha**☺

Da Präsi vo da Burgtätscher dänn, hät sogär wella **go ibrecha koh, s'ischt glob woehr...**

Mer hönd nümma alles gwisst **im Hirni**,
wa mer hönd abgmacht i da Nacht, mer zwo **Vögel-Kindli...**

S'Nummer 15i am Samstigmorga früah, s'Küken mitgrupft hät zu Spiegeleiger und Speck,
doch könid mers globa, dä Halbliter am Morga am 9i, isch gsi wia en Gedanka **radibutz...**,
I möst nöchschd Johr go torna **uf 9450** und da... sogär als **Röllelibutz!!!**

Ha aber vernoh, dass oh anderi Vögel hönd ka, a ganz a **strengi Nacht**,
segs da Otto-Peter, Vogel Nr. 2, a da **Rebstock-Bar..**,
oder Vögeli Claudia, uf em Parkplatz vor da **Perchta-Bar**☺

Und wers nöd globt, där dörf gärn s'Räbschter-Tagblatt **fröga**,
s'git zwor ko Pünkt, aber da Mänf hät immer **rächt**.

.....

Es ischt a Pracht, en Hammer-Umzug hömmer z'Räbschta dörf **fiira**;
glob Körnlibank hät gwirkt, sogär da Gmeindrot häts gmerkt und au als Zuaschauer
mitgwirkt☺

Mini Bazzakollega, hei ei ei, sind ganga uf Schwäbisch Gmünd, **is Dütsch**,
Sousaphon klaut s'isch kon Hit, drum kömid wieder uf Räbschta, er **Gugger-Brüch**☺.

S'hät ena aber koh Ruah loh, am Rosenmontag, s'isch da Gugger äna sina „**Blind**“,
häts z'Räbschta för dia Kampfsaua, a Brauerei-Besichtigung gäh, gär nöd **so schlimm**☺

.....

Ha dänkt noch minera Gugger-Pension, wer Fasnacht mol kli **ruhiger**,
und nöd grechnet **damit**, sogär mol **vo vier Henna und no meh Vögel flankiert**,
am Lüchiger Maskaball als „Küken“ **iimarschiert**...☺☺!!

.....

Oh verletztzi Vögel, mit mana Flügel lahm, **häts bi üs**...
Oje Dani, nöchst Johr i da **Fasnachts-Vorbereitig** roht i der a...,
s'Fuushta sie **z'loh**, so dass der da Spass am Bierbraua **nöd no vergoht**☺

Und tuat dänn alles nöd hälfa, isch da **Don Camillo - „alias Don Promillo“**...
Wo isch sehr sozial, **sicher doh** und hält der dä Hopfa und Malz z'mischa,
so dass er mol i da Kercha, ka a Vogel-Bier **uftischa**☺☺.....!!

.....

Bedanka möchti mi oh för dia sehr originell **Fan-Post**...
S'ischt vom heissa Liebesbrief...Post an Samiklaus ...bis zur
Ermahnig vo da Zöri-Versicherigs-Direktion...**gsi**..!

.....

Und wa oh cool und toll ischt...
findi **Eura Horst** zum **Schminka**..,
döt gits nämlich immer a Bier und was zum **bicka**☺...!!!

.....

Refrain

„Vögel der Nacht...
Trinkid us schänkid iih...
Vögel der Nacht...
A geili Zyt isch es gsi....“